

國子監則例



第七冊

國子監則例卷七目錄

繩愆廳 禮儀

丁祭移送演禮

丁祭分派職事

丁祭儀注

崇聖祠行禮事宜

土地祠行禮事宜

朔望釋菜上香事宜

朔望釋菜上香儀注



先師誕辰行禮

封開印信行禮

呈送儀注

堂儀

生徒儀節

記過限期

謹案舊例禮儀門分二卷今擬併為一卷

國子監則例卷七

繩愆廳

擬存繩愆廳額設滿漢監丞各一員職掌

文廟禮儀生徒學規凡肄業諸生及官學漢教習各
事宜均所專司在監人等悉從糾察

國子監則例卷七

繩愆廳 禮儀

現行事例

一 擬改 丁祭移送演禮 ○ 凡春秋丁祭

遣官釋奠准太常寺咨取本監應行演禮執事官生
到監監丞將應送

先師孔子位前司香帛爵官各一員

配位四案每案司香帛爵官各一員共十五員於
本監官員內開單酌派並移付六堂八旗官學

將應派執事之肄業生官學生等開單付廳照例派定

十二哲每位司爵生各一名東西二總案司香帛爵生案各一名司罇生四名奉福生一名接福生一名奉胙生一名接胙生一名東廡先賢先儒二總案司香帛爵生案各一名司罇生二名西廡先賢先儒二總案司香帛爵生案各一名

崇聖祠正位五案司香帛爵生案各一名四配位

二總案司香帛爵生案各一名東廡總案司香帛爵生各一名西廡一案司香帛爵生各一名一併造具清冊咨送太常寺查驗如遇鄉試之年秋仲丁祭執事生祇派八旗官學生其六堂肄業生免派擬併凡執事官員及肄業生八旗官學生等並照太常寺知照日期本監堂官率領赴

天壇凝禧殿會同太常寺堂官監視演習禮節有不到

者由監丞查覈官員回堂辦理肄業生扣除官

學生革退凡執事六堂肄業生服藍鑲青衫披肩金雀高頂八旗官學生服藍鑲青衫披

衫披肩銀
雀高頂

謹案舊例分列三條今擬併為一條以省繁文

擬存

一丁祭分派職事○凡丁祭分獻官前殿東廡
二員西廡二員後殿東配一員西配一員後殿
東廡一員西廡一員土地祠正獻官一員

大成殿侍班二員陳設二員東西廡陳設各一員
東西角門各一員持敬門二員

大成門二員致齋所二員

崇聖祠侍班二員陳設一員東西廡陳設二員大
門二員外門二員俱本監於屬官內自行揀派
崇聖祠司鐸生四名土地祠司香爵生二名司壺

一名於肆業生。八旗官學生。內揀派均毋庸咨送太常寺。

擬改一丁祭儀注。凡值祭日五鼓。執事官咸集。

大成殿司香司帛司爵司福司胙各執事官。在東者由殿左門入。立於東酒罇案之北。在西者由殿右門入。立於西酒罇案之北。典儀唱執事官各司其事。司香官各手奉香盤。在東者西面。在西者東面。俱恭俟。典儀唱迎。

神司香官在東者西行。正位司香在前。次東配。次東哲。在西者東行。

西配司香在前。西哲次之。正位司香官。至正中之東楹內駐足。轉北面。進二步止。東配各司香官。至正中之

東楹外駐足。西配各司香官。至正中之西楹外駐足。東西配首位司香官。各進一步止。次位不進步。東哲司香生至東左楹內駐足。西哲司香生至西右楹內駐足。不進步。均恭俟典樂唱奏迎。

神樂樂作贊引官贊就上香位正位。司香官北行至香案前右旁北面立。東配東哲各司香官均北行至位前之南折而東。在香案前左旁東面立。西配西哲各司香官均北行至位前之南折而

西在香案前右旁西面立。贊引官導承祭官入殿左門贊詣

至聖先師孔子位前。司香官轉東面跪。承祭官至司

香官進炷香。三進辦香俱供奉退。在東酒罇案之北恭俟以

下在東者俱同贊引官贊詣

復聖顏子位前。司香官轉北面跪。承祭官至。司香

官進炷香。三進辦香俱供奉退。贊引官贊詣

宗聖曾子位前。司香官轉北面跪。承祭官至。司香

官進炷香。三進辦香俱供奉退。在西酒罇案之北恭俟以下在

西者俱同贊引官贊詣

述聖子思子位前司香官如

復聖顏子位前儀贊引官贊詣

亞聖孟子位前司香官如

宗聖曾子位前儀

哲位庶位俱與孟子位前同時行禮以下三獻俱同哲

庶司香生俱如配位儀承祭官分獻官復位行

三跪九叩禮畢樂止司帛官各奉篚司爵官各

奉爵各東西面恭俟如司香儀典儀唱奠帛爵

行初獻禮司帛官司爵官各東西行如司香儀

正位司帛官至正中之東楹內駐足轉北面進

四步止司爵官隨之轉北面進二步止東配司

帛爵官至正中之東楹外駐足西配司帛爵官

至正中之西楹外駐足俱北面東西配首位司

帛官各進三步止司爵官隨之進二步止東西

配次位司帛官各進一步止司爵官隨之不進

步東哲司帛爵生至東左楹內駐足西哲司帛

爵生至西右楹內駐足東西哲司帛生各進一

步止司爵生隨之不進步均恭俟典樂唱奏初

獻樂樂作贊引官贊就奠獻位正位司帛官北行至案前左旁北面立司爵官行至案後左旁北面立東配東哲各司帛官均北行至位前之南折而東在案前左旁東面立司爵官隨之在案後左旁東面立西配西哲各司帛官均北行至位前之北折而西在案前左旁西面立司爵官隨之在案後左旁西面立贊引官導承祭官入殿左門贊詣

至聖先師孔子位前正位司帛官轉西面跪承祭官

至贊引官贊奠帛司帛官進帛退司爵官轉西面跪贊引官贊獻爵司爵官進爵退贊引官贊就讀祝位引承祭官至殿中拜位立樂暫止贊跪承祭分獻各官皆跪贊讀祝司祝跪讀祝讀畢樂復作承祭分獻各官均行三叩禮興贊引官贊詣

復聖顏子位前司帛官轉北面跪承祭官至贊引官贊奠帛司帛官進帛退司爵官轉北面跪贊引官贊奠爵司爵官進爵退贊引官贊詣

宗聖曾子位前。司帛官轉南面。跪承祭官至。贊引
官贊奠帛。司帛官進帛退。司爵官轉南面。跪贊
引官贊獻爵。司爵官進爵退。贊引官贊詣

述聖子思子位前。司帛司爵官如

復聖顏子位前儀。贊引官贊詣

亞聖孟子位前。司帛司爵官如

宗聖曾子位前儀。哲廡司帛爵生俱如配位儀。承
祭官分獻。官復位樂止。司爵官各奉爵。各東西
面。恭俟如初獻儀。典儀唱行亞獻禮。司爵官各

東西行。如初獻儀。正位司爵官西行至正中之
東楹內。駐足轉北面。進二步止。東配司爵官西
行至正中之東楹外。駐足西配。司爵官東行至
正中之西楹外。駐足東西配首位。司爵官轉北
面。進一步止。次位司爵官隨之不進步。東哲司
爵生至東左楹內。駐足西哲。司爵生至西右楹
內。駐足俱轉北面。不進步。恭俟典樂唱奏亞獻
樂。樂作。贊引官贊就獻爵位。正位司爵官北行
至案後左旁北面立。配哲各司爵官如之。贊引

官導承祭官入殿左門贊詣

至聖先師孔子位前正位司爵官轉西面跪如初獻
儀贊引官贊詣

復聖顏子位前司爵官轉北面跪如初獻儀贊引
官贊詣

宗聖曾子位前司爵官轉南面跪如初獻儀贊引
官贊詣

述聖子思子位前司爵官如

復聖顏子位前儀贊引官贊詣

亞聖孟子位前司爵官如

宗聖曾子位前儀哲廡司爵生俱如配位儀承祭
官分獻官復位樂止司爵官各奉爵各東西面
恭俟如亞獻儀典儀唱行終獻禮正位司爵官
西行過正中之西至西楹內駐足轉北面進二
步止東配司爵官西行至正中之東楹外駐足
西配司爵官東行至正中之西楹外駐足東西
配首位司爵官轉北面進一步止次位司爵官
隨之不進步東哲司爵生至東左楹內駐足西

哲司爵生至西右楹內駐足俱轉北面不進步
恭俟典樂唱奏終獻樂樂作贊引官贊就獻爵
位正位司爵官北行至案後右旁北面立東配
東哲各司爵官均北行至位前之北折而東在
案後右旁東面立西配西哲各司爵官均北行
至位前之南折而西在案後右旁西面立贊引
官導承祭官入殿左門贊詣

至聖先師孔子位前正位司爵官轉東面跪如亞獻
儀贊引官贊詣

復聖顏子位前司爵官轉南面跪如亞獻儀贊引
官贊詣

宗聖曾子位前司爵官轉北面跪如亞獻儀贊引
官贊詣

述聖子思子位前司爵官如

復聖顏子位前儀贊引官贊詣

亞聖孟子位前司爵官如

宗聖曾子位前儀哲廡司爵生俱如配位儀承祭
官分獻官復位樂止典儀唱賜福胙贊引官贊

詣受福胙位承祭官入殿左門至殿中門內北面立奉福生奉福奉胙生奉胙自東酒罇案之北奉至正位案前拱舉至受福胙位右旁跪接福生接胙生自西酒罇案之北至受福胙位左旁跪贊引官贊飲福酒承祭官受福拱舉授接福生接福退贊引官贊受胙承祭官受胙拱舉授接胙生接胙退承祭官復位行謝福胙禮典儀唱徹饌樂作徹訖樂止典儀唱送

神樂作承祭官分獻官行三跪九叩禮畢樂止典儀

唱奉祝帛饌香恭送燎位司祝官司帛官至各

位前一跪一叩奉起司爵官詣各饌案前司香

官詣各香案前俱跪叩奉起與祝帛同時奉起祝在前

次帛次饌次香獻時次序香在前次帛次爵俱送燎次序帛在前次饌次香

由中門中道出正位在前次東配第一位次西

配第一位次東配第二位次西配第二位次東

哲次西哲兩廡執事俱會燎所執事儀畢各退

謹案舊例位次面向間有舛誤今照現行禮節改正

一 擬增
崇聖祠行禮事宜○凡丁祭日。

崇聖祠行禮承祭官先詣

肇聖王案前次詣

裕聖王案前。

詒聖王案前。

昌聖王案前。

啟聖王案前。分獻官以俸資較深之廳員助教等四員。詣四配兩廡。上香奠帛獻爵。行禮俱如

大成殿儀惟不作樂不奉福胙

謹案舊例未載今擬增入以備禮節

擬增

一土地祠行禮事宜○凡丁祭日派俸深助教

一員詣土地祠行禮就位上香獻爵一跪三叩

退

親詣
釋奠禮同

謹案舊例未載今擬增入

擬改
一朔望釋菜。上香事宜。○凡月朔行釋菜禮。總理監務大臣。滿漢祭酒。按月輪一人上。

殿釋菜。餘隨行禮。

十二哲。兩廡位前。以監丞博士助教等官分獻。

崇聖祠配廡。以監丞博士助教等官行禮。土地祠。

以俸深助教一員行禮。月望滿漢司業一人上。

殿上香。餘同朔日。其執事官生。

大成殿糾儀官侍班官各二員。以博士助教等官。

充通贊四名。正引。哲廡引。東西各四名。正位。司。

罇一名東西配司罇二名東西哲司罇二名東
西廡司罇二名正位司爵三名四配司爵八名
東西哲司爵六名兩廡司爵四名
崇聖祠侍班二名通贊正引左右各一名配引東
西各一名廡引東西各一名正位司罇一名東
西廡司罇各一名正位司爵五名配位司爵二
名東西廡司爵各一名望日上香執事無司爵
諸生改司罇為司香各執事生俱由六堂助教
等於內班肄業生內先期揀選開送監丞照例

派定元旦

朝賀則釋菜禮移於次日如朔望恭值

壇

廟大祀祭酒司業均與陪祀則派監丞等率領八旗教
習六堂諸生在階下行三跪九叩禮不獻爵不
上香

謹案舊例分列三條今擬併為一條

擬改
一朔望釋菜。上香儀注。○凡月朔清晨釋菜。主
獻祭酒。及隨班行禮之祭酒司業。俱詣致齋所。
更朝服。贊引導由東角門入。監丞。博士。八旗官。
學助教。六堂助教學正。學錄等官。八旗官學教
習。暨肄業貢監生。皆從詣階下甬道中。分班祭
酒。司業在前。次分獻官。通贊贊排班。班齊贊跪
叩。興行三跪九叩禮。畢贊行釋菜禮。贊引導祭
酒。詣盥洗所。盥手畢。司罇者舉罇酌酒。執爵者
由中階升入。

殿中門。祇俟。贊引導祭酒由東階入。

殿左門。贊引贊詣。

至聖先師神位前。一跪。一叩。興。獻三爵。一跪。三叩。興。

贊引贊詣。

復聖顏子位前。

宗聖曾子位前。

述聖子思子位前。

亞聖孟子位前。各行三獻禮。如正位儀。哲廡分獻。官俱俟祭酒詣。

亞聖位前時。各贊引。引詣兩哲兩廡先賢先儒位。前行禮。如四配儀。畢。贊引導各官由。

殿右門北面出。下西階。各復位。通贊贊跪。叩。興。祭酒及各官俱行三跪九叩禮。興。贊禮畢。導由西角門出。

崇聖祠主獻分獻與。

大成殿儀同。月望司業上香。不獻爵。祭酒以下隨行禮。俱朝服。如月朔儀。凡派定之執事備班諸生。如有無故不到。不遵約束者。無論正班備班。

由廳查明呈堂。即照春秋丁祭派赴

天壇凝禧殿演禮不到例。立予扣除。不准再考。其執事禮儀錯誤者。記過一次。其餘內班肄業諸生。均宜隨班行禮。如無故不到者。記過一次。外班諸生。居住較遠。應於每月望日大課之期。黎明到監。隨班行禮。畢再赴

彝倫堂候考。如有怠玩不隨同行禮者。由廳查明呈堂。記過一次。是日立執事名冊一本。拜

廟名冊一本。令諸生於名下畫到。以備監丞查覈。

其正引通贊

朔望唱禮引贊各一

有儀節整肅。始終勤勉

者。每月

大成殿。給獎賞銀七錢。

崇聖祠。給獎賞銀二錢五分。

謹案舊例分列四條。今擬併為一條。

先師誕辰行禮○每歲八月二十七日恭遇

先師孔子誕辰照月朔釋菜儀行禮四配兩哲兩廡
不行禮執事及隨班諸生不到者即照朔望拜
廟不到例回堂記過一次

擬增
一封開印信行禮。凡封開印信滿洲蒙古漢
教習六堂肄業生八旗官學生上堂行四拜禮
如有不到者照例回堂記過一次

謹案舊例附見朔望拜廟條下今擬另為一條以詳節目

擬改
一呈送儀注○凡總理監務及滿漢祭酒到任。
由監丞呈送儀注。

謹案舊例載入肄業門今擬改載禮儀門以歸畫一

擬改
一堂儀○凡堂官入署升堂就位各屬官以次
赴堂序揖次各堂肄業生排列恭揖禮畢方退
屬官因公事上堂照依定例皆侍立白事或質
問經史皆拱立聽受至各屬官到堂辦事外遇
堂官講課整肅堂規分別功過均須秉公覈實
不得有所偏徇

謹案舊例堂儀載入肄業門今擬改載禮儀門舊例分為二條
今擬併為一條

擬改
一生徒儀節○凡貢監生入監肄業首謁

先師廟各生排列階下禮生贊行四拜禮畢赴

彝倫堂臺下序立謁見祭酒司業行四拜禮見本
堂助教學正學錄行二拜禮凡進監至大門外
下馬不得乘騎出入

謹案舊例載入肄業門今擬改載禮儀門

擬改
一記過限期○凡本監滿漢各員偶有錯誤分別記過由廳注冊如記過限內適遇保優送選各差使一槩停止其記大過一次者半年為限記過一次者三月為限至期無過由廳回堂覈銷

謹案舊例載入肄業門今擬改載禮儀門

例案

擬增順治二年定春秋丁祭。

遣大學士一人行禮。翰林官二員分獻。國子監監丞博士分獻兩廡。祭酒祀

啟聖公於後殿。均以先賢先儒配享。從祀。遇有他事。

改次丁。或下丁日。

擬增康熙二十五年定春秋釋奠。武官二品以上并

擬增入陪祭。

乾隆五年大學士管理監務趙國麟奏請。凡春

秋丁祭。本監陳設分獻執事之監丞助教等官。照禮部光祿寺之例。給掛數珠奉。

旨准行。欽此。

擬增乾隆十一年。禮部議奏。

崇聖祠配位。有陳設無進獻。於禮殊為缺失。請嗣後於本監助教等官內。增派配位分獻官二員。其陳設雖有四案。向止有禮神帛二端。爵六隻。應請照數倍增。

附載舊例

擬存順治元年。定。月朔行釋菜禮。設酒芹棗栗。祭酒於

先師位及四配位前。三獻。東西哲廡位前。以監丞博

士等官分獻。次詣啟聖祠。崇今聖改祠。土地祠。行禮。分獻官亦

隨行禮。十五日。司業上香。與朔日同。康熙二十四年。議准。每月朔聖

文廟行釋菜禮。於各項監生內。選取容止端莊。聲音

明亮者十名。充禮生。裸獻贊禮。二十九年。停止。以教習帶管。

附載駁案

凡春秋釋奠

遣官行禮

大成殿司香帛爵用太常寺樂舞生惟哲廡三獻
用國子監生奉爵乾隆十八年會典館以體制

未符奏請嗣後

大成殿正位配位用國子監官執事餘俱用國子
監生先期由太常寺行文本監咨取執事官生
各職名並按名開載所派何項執事造冊送寺

